



**VENDIM**

*Nr. 177, Datë 08.11.2016*

**MBI**

**MIRATIMIN E DISA SHITESAVE DHE NDRYSHIMEVE, TË  
PROPOZUARA NGA SHOQËRIA “OSHEE” SH.A, NË  
RREGULLOREN PËR LIDHJET E REJA NË SISTEMIN E  
SHPËRNDARJES, TË MIRATUAR ME VENDIMIN NR. 166 TË  
BORDIT TË ERE, DATË 10.10.2016**

Në mbështetje të neneve 16; 20, gërma “a”; 27, pika 3; 108, pika 3; 110 të Ligjit Nr. 43/2015 “Për Sektorin e Energjisë Elektrike” si dhe nenit 26 të “Rregullores mbi Organizimin, Funksionimin dhe Procedurat e ERE-s”, miratuar me vendimin Nr. 96, datë 17.06.2016, të ERE; nenit 6.2 të “Rregullores për Lidhjet e Reja në Sistemin e Shpërndarjes”, Bordi i Entit Rregullator të Energjisë (E.R.E), në mbledhjen e tij të datës 08.11.2016, pasi shqyrtoi relacionin për miratimin e disa shtesave dhe ndryshimeve të propozuara nga shoqëria “OSHEE” sha, në “Rregulloren për Lidhjet e Reja në Sistemin e Shpërndarjes”, të përgatitur nga Drejtoritë Teknike;

**Konstatoi se:**

1. Me Vendimin Nr.166, datë 10.10.2016, Bordi i ERE-s vendosi miratimin e “Rregullores për Lidhjet e Reja në Sistemin e Shpërndarjes”.
2. Me shkresën me Nr.795/1 Prot, datë 01.11.2016, është bërë një kërkesë nga ana e kompanisë “OSHEE” sh.a, për ndryshime në “Rregulloren për Lidhjet e Reja në Sistemin e Shpërndarjes”, të miratuar me Vendimin Nr.166 të Bordit të ERE, datë 10.10.2016.
3. Me shkresën me Nr.795/1 Prot, datë 01.11.2016, shoqëria “OSHEE” sh.a. sqaron se :

OSHEE është në fillimet e para të zbatimit të projektit të Datacleaning në BS /OSHEE.

- Projekti GIS për rrjetet shpërndarëse të energjisë elektrike është:

- në masën rreth 80% të implementimit për nivelet e tensionit TL dhe TM
- akoma nuk ka filluar zbatimi i projektit GIS në nivel konsumatori fundor.

- Sa ka nisur procesi i projektit të "Adresarit të popullatës" për popullimin e plotë të të dhënave në territor
- Pasaktësitë e koordinatave në terren, të cilat mund të atakojnë shtresat e ndryshme me probleme sociale dhe ekonomike
- Impakti që krijohet në shtresat e familjeve në nevojë
- Impakti për biznesin e vogël i cili zë peshën dërrmuese të kërkesave për lidhje të reja.
- Synohet eliminimi i çdo elementi diskriminues në aplikimin e tarifave.

4. Shoqëria "OSHEE" sh.a. me shkresën Nr.24974/1 Prot, datë 04.11.2016, ka paraqitur një relacion me analizën tekniko-ekonomike përkatëse lidhur me tarifat T1 dhe T4.

Për gjithë sa më sipër cituar, Bordi i ERE-s,

### **Vendosi:**

1. Miratimin e disa shtesave dhe ndryshimeve në "Rregulloren për lidhjet e reja në sistemin e shpërndarjes", miratuar me Vendimin Nr.166 të Bordit të ERE, datë 10.10.2016, me përmbajtjen si më poshtë :

- 1.1 Pika 1 e gërmës "e" të nenit 3.6 të rregullores ndryshon si më poshtë :

*"Kabina TIP 1 : muraturë për furnizim të godinave të banimit dhe shërbimit.( një ambient) Ky tip kabine do të projektohet që të ndërtohet në kufirin e pronësisë të aplikantit me dyer të aksesueshme nga jashtë godinës, në afërsi të rrugës . Kjo kabinë do të ketë një ambient në të cilën do të vendosen të gjitha pajisjet e kabinës."*

- 1.2 Në gërmën "c" të nenit 4.4 të rregullores, shtohen 2 tabelat e mëposhtme dhe teksti vijues :

TABELA E TARIFES T2 SIPAS DISTANCËS PËR LIDHJE NË TU

Tarifa e distancës në TU		Vlera e fiksuar e tarifës	Vlera e shtuar për cdo 100 m
a	Brenda 200 m	2000	-
b	Për çdo 100 m të shtuar		1000

TABELA E TARIFËS T2 SIPAS DISTANCËS PËR LIDHJE NË TM

Tarifa e distancës në TM		Vlera e fiksuar e tarifës	Vlera e shtuar per cdo 1 km
a	Brenda 1 km	4500	-
b	Per cdo 1km te shtuar		4500

Tarifa T4 - tarifa e shërbimeve për realizimin e lidhjes së re dhe matjes do të përbëhet nga këta komponentë :

- 1. Tarifë për azhornimin e rrjetit
- 2. Tarifë për shpenzime administrative
- 3. Tarifa e verifikimit/kolaudimit fillestar të matësit monofaze dhe trefazor, referuar parashikimeve të nenit 77 të Ligjit Nr. 43/2015 “Për Sektorin e Energjisë Elektrike”

1.3 Neni 4.6 i rregullores ndryshon si më poshtë :

*Tarifat për lidhje në tension të ulët*

*Kjo tarifë aplikohet për rastet kur aplikantit i miratohet lidhja në tension të ulët 0.4 kV*

a) *Konsumatore Familjare*

*T1 = 1000 Lekë*

*T2 = sipas tabelës së distancave*

*T3 = 2,000 Lek/ kW (kundrejt fuqisë së kërkuar)*

*T4 = Tarifa e shërbimeve për realizimin e lidhjes së re dhe matjes*

*b) Konsumatorët Jofamiljare*

*T1 = 5000 Lekë*

*T2 = sipas tabelës së distancave*

*T3 = 2.500 Lekë/kW (kundrejt fuqisë së kërkuar)*

*T4 = Tarifa e shërbimeve për realizimin e lidhjes së re dhe matjes*

1.4 Neni 4.7 i rregullores ndryshon si më poshtë :

1. *Neni 4.7 i rregullores së miratuar me Vendimin Nr.166 të Bordit të ERE, datë 10.10.2016 bëhet neni 4.7, gërma “a” e rregullores dhe ndryshon si më poshtë :*

*T1 = 23000 Lekë*

*T2 = sipas tabelës së distancave*

*T3 = 1700 Lekë/kW (kundrejt fuqisë së kërkuar)*

*T4 = Tarifa e shërbimeve për realizimin e lidhjes së re dhe matjes*

2. *Shtohet gërma “b” e nenit 4.7 me përmbajtje si vijon : “Për konsumatorët në godina banimi dhe shërbimi, në tarifën T4 nuk do të përfshihet tarifa për azhurnimin e rrjetit”*

1.5 Neni 4.8 i rregullores ndryshon si më poshtë :

*Tarifat për lidhje në tension të mesëm 35 kV*

*Kjo tarifë aplikohet për rastet kur aplikantit i miratohet lidhja në tension të mesëm 35 kV*

*T1 = 23000 Lekë*

*T2 = sipas tabelës së distancave*

*T3 = 2,000 Lekë/kW (kundrejt fuqisë së kërkuar)*

*T4 = Tarifa e shërbimeve për realizimin e lidhjes së re dhe matjes*

1.6 Neni 4.9, gërma “a” e rregullores, ndryshon si më poshtë :

*Konsumatorë Familjarë*

*T1 = 0 Lekë*

*T2 = sipas tabelës së distancave*

*T3 = 2,000 Lekë/kW (kundrejt fuqisë shtëse së kërkuar)*

*T4 = Tarifa e shërbimeve për realizimin e lidhjes së re dhe matjes*

1.7 Neni 4.9, gërma “b” e rregullores, ndryshon si më poshtë :

*Konsumatorë Jofamiljarë në tension të ulët*

*T1= 0 Lekë*

*T2 = sipas tabelës së distancave*

*T3 = 2500 Lekë/ kW (kundrejt fuqisë shtesë së kërkuar)*

*T4 = Tarifa e shërbimeve për realizimin e lidhjes së re dhe matjes*

1.8 Neni 4.9, gërma “c” e rregullores, ndryshon si më poshtë :

*Konsumatorë Jofamiljarë në tension të mesëm*

*T1= 0 Lekë*

*T2 = sipas tabelës së distancave*

*T3 = 1700 Lekë/ kW (kundrejt fuqisë shtesë së kërkuar)*

*T4 = Tarifa e shërbimeve për realizimin e lidhjes së re dhe matjes*

1.9 Neni 4.9, gërma “d” e rregullores, ndryshon si më poshtë :

*Konsumatorë Jofamiljarë në tension të mesëm 35 kV*

*T1= 0 Lekë*

*T2 = sipas tabelës së distancave*

*T3 = 1700 Lekë/ kW (kundrejt fuqisë shtesë së kërkuar)*

*T4 = Tarifa e shërbimeve për realizimin e lidhjes së re dhe matjes*

- 2 Shtesat dhe ndryshimet e pikës 1 të këtij vendimi, reflektohen gjithashtu në aneksin “Tarifat për Lidhjet e Reja”, bashkëlidhur “Rregullores Për Lidhjet e Reja në Sistemin e Shpërndarjes”, miratuar me Vendimin Nr.166 të Bordit të ERE, datë 10.10.2016. (bashkëlidhur vendimit, aneksi i ndryshuar “Tarifat për Lidhjet e Reja”)
- 3 Drejtoria Juridike dhe e Mbrojtjes së Konsumatorëve të njoftojë palet e interesuara për Vendimin e Bordit të ERE-s.

Ky vendim hyn në fuqi menjëherë

Ky vendim botohet në Fletoren Zyrtare.

[https://ere.gov.al/doc/Rregullore\\_per\\_Lidhje\\_e\\_Reja.pdf](https://ere.gov.al/doc/Rregullore_per_Lidhje_e_Reja.pdf)

## ANEKSI 2

### TARIFAT PËR LIDHJET E REJA

#### T1 – TARIFA E STUDIMIT DHE VLERËSIMIT E MIRATIMIT TË PROJEKTIMIT

T1 është tarifë fikse, lidhur me kostot për studimin e projektit të lidhjes së re dhe studimit dhe azhurnimit të pikës së lidhjes me metodologjinë GIS. Sipas kategorizimit të klientëve dhe nivelit të tensionit ku kërkohet lidhja e re, është përcaktuar :

- 1) Për klientët familjarë – T1= 1000 lekë
- 2) Për klientët jofamiljarë në tension të ulët – T1= 5000 lekë
- 3) Për klientët e lidhur në tension të mesëm 6/10/20/35 kV – T1= 23000 lekë
- 4) Për shtesë fuqie, modifikim lidhje, transferim lidhje – T1= 0 lek

#### T2 – TARIFA E DISTANCËS

- **Tarifa e distancës për lidhje të klientëve në TU** ka të beje me largësinë e klientit nga kabina më e afërt e transformimit

Tarifa e distancës në TU		Vlera e fiksuar e tarifës	Vlera e shtuar per cdo 100 m
a	Brenda 200 m	2000	-
b	Për çdo 100 m te shtuar		1000

- **Tarifa e distancës për lidhje të klientëve në TM** ka të beje me largësinë e kabinës së transformimit nga nënstacioni më i afërt.

Tarifa e distances ne TM		Vlera e fiksuar e tarifes	Vlera e shtuar per cdo 1 km
a	Brenda 1 km	4500	-
b	Per cdo 1km te shtuar		4500

### **T3 – TARIFA E FUQISË (lekë / kW, kundrejt fuqisë së kërkuar)**

- 1) Tarifa T3, bazuar në kategorizimin e klientëve dhe nivelit të tensionit ku kërkohet lidhja e re, është përcaktuar :

T3 = 1.700 Lekë/kW (kundrejt fuqisë së kërkuar) për aplikim në TM 6/10/20 kV

T3 = 2.000 Lekë/kW (kundrejt fuqisë së kërkuar) për aplikim në TM 35 kV

T3 = 2.500 Lekë/kW (kundrejt fuqisë së kërkuar) për aplikim në TU (Privat)

T3 = 2.000 Lekë/kW (kundrejt fuqisë së kërkuar) për aplikim në TU (Familjarë)

- 2) Për shtesa fuqie, modifikim lidhje, transferim lidhje, tarifa T3 bazuar në kategorizimin e klientëve dhe nivelit të tensionit ku kërkohet lidhja e re, është përcaktuar :

T3 = 1.700 Lekë/kW (kundrejt fuqisë shtesë së kërkuar) për aplikim në TM 6/10/20 kV (Privat)

T3 = 1.700 Lekë/kW (kundrejt fuqisë shtesë së kërkuar) për aplikim në TM 35 kV (Privat)

T3 = 2.500 Lekë/kW (kundrejt fuqisë shtesë së kërkuar) për aplikim në TU (Privat)

T3 = 2.000 Lekë/kW (kundrejt fuqisë shtesë së kërkuar) për aplikim në TU (Familjarë)

### **T4 – TARIFA E SHËRBIMEVE PËR REALIZIMIN E LIDHJES SË RE DHE KOLAUDIMIT FILLESTAR TË MATËSIT**

Tarifa T4 është tarifë fikse e shërbimeve për realizimin e lidhjes së re dhe verifikimit/kolaudit fillestar të matësit. Kjo tarifë përbëhet nga këta komponentë :

- 1) Tarifë për azhornimin e rrjetit ..... 1500 lekë
- 2) Shpenzime administrative .....1000 lekë
- 3) Tarifa për verifikimin/kolaudit fillestar të matësave
  - monofazë .....
  - trefazor .....

Tarifa për verifikimin/kolaudit fillestar të matësit, i referohet parashikimeve të nenit 77 të Ligjit Nr. 43/2015 “Për Sektorin e Energjisë Elektrike”.